

**Grad Novi Pazar**

**Skupština grada**

**Odbornička grupa SDA Sandžaka**

**Novi Pazar**

**17. mart 2024. godine**

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O MJERAMA PODRŠKE STANOVNIŠTVU U PERIODU OD 11.03.2024. GODINE DO 09.04.2024.GODINE ZA VRIJEME MJESECA RAMAZANA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese sjednici Skupštine grada Novog Pazara koja je zakazana za 18. mart 2024. godine

**Odbornici SDA Sandžaka u Skupštini grada**

dr. Adem Đerlek

Džanan Bačićanin

Merfid Kamešničanin

Maida Baltić Spahović

Saima Brunčević

Dinheta Pulić

Kenan Kadrić

Kadir Trubljanin

Adem Pepić

Ilma Dupljak

Ovlašteni predstavnik predlagača je odbornica Ilma Dupljak

## PRIJEDLOG

Na osnovu člana 20. stav 1, tačka 4. i tačka 13. i člana 32. stav 1. tačka 13. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 15. stav 1. tačka 38), člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 18. marta. 2024. godine, donosi

### **O D L U K U**

**o mjerama za podrške stanovništvu u periodu od 11.03.2024. godine do 09.04.2024. godine za vrijeme mjeseca Ramazan**

#### **Član 1.**

Skupština grada Novog Pazara nalaže da se svim građanima Novog Pazara:

1. umanje obaveze za plaćanje poreza na imovinu za 50%, u periodu od 11. 03 2024. godine do 09. 04. 2024. godine za vrijeme mjeseca Ramazana;
2. umanje obaveze za plaćanje vode, grijanja i iznošenja smeća za 50%, u periodu od 11. 03 2024. godine do 09. 04. 2024. godine za vrijeme mjeseca Ramazana;

#### **Član 3.**

Ovu odluku objaviti u “Službenom listu grada Novog Pazara”.

### **SKUPŠTINA GRADA NOVOG PAZARA**

Broj:

U Novom Pazaru, 18. marta 2024. godine

**PREDSJEDNIK**

## **O B R A Z L O Ž E N J E:**

### **Pravni osnov za donošenje odluke:**

Pravni osnov za donošenje ove odluke je sadržan je u:

- članu 20. stav 1. tačka 4. i 13 Zakona o lokalnoj samoupravi;
- članu 32. stav 1. tačka 13 Zakona o lokalnoj smaoupravi
- članu 15. stav 1, tačka 38) Statuta grada Novog
- članu 147. Statuta grada Novog Pazara
- članu 137. Poslovnika Skupštine grada Novog Pazara

### **Razlozi za donošenje odluke:**

Donošenje ove odluke ogleda se u obavezi organa lokalne samouprave da različitom vrstom mjera pruže pomoć i podršku lokalnom stanovništvu. Imajući u vidu obavezu organa lokalne samouprave da u najvećoj mogućoj mjeri u svom radu i djelovanju primjene principe socijalne odgovornosti a naročito humanosti a naročito iz razloga jer je Novi Pazar ekonomski nedovoljno razvijeno područje, neophodno je primjeniti mjere koje su definisane ovom odlukom. Kako je to i odlukom predloženo, Grad Novi Pazar bi svim svojim stanovnicima za vrijeme mjeseca Ramazana umanjio obaveze za plaćanje poreza na imovinu za 50%, i umanjio obaveze za plaćanje vode, grijanja i iznošenja smeća za 50 %.

Građani su humani pa takva bi trebala biti i vlast jer vlast postoji zbog naroda a ne postoji narod zbog vlasti. Tradicija u Novom Pazaru i Sandžaku nalaže da se tokom mjeseca Ramazana promoviše humanost, dobročinstvo i uzajamna podrška. Navednim mjerama se ne ugrožava obavljanje vitalnih gradskih javnih funkcija niti se ugrožava finansijsko poslovanja grada i javnih preduzeća. Usvanjem ove odluke lokalna vlast u Novom Pazaru konačno nešto radi u isključivom interesu svojih građana i zadovoljenju potreba svog stanovništva, odnosno putem ove odluke lokalna samouprava se privodi svojoj pravoj namjeni da služi građanima i štiti njihove interese i stara se o njihovim potrebama. Na ovaj način vlast narodu olakšava a ne kao do sad da narodu otežava.

### **Objašnjenje pojedinih rješenja propisanih ovom odlukom:**

**Član 1:** Utvrđen je predmet odluke i propisane su mjere koje je potrebno sprovesti.

**Član 2:** Propisana je obaveza objavljivanja u ove odluke u „Službenom listu grada Novog Pazara“

### **Finansijska sredstva za sprovođenje obezbijediće se u budžetu grada Novog Pazara**